



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Divi Bambergenses S. Henricvs Imperator S. Kvnegvndis  
Imperatrix S. Otho Episcopvs**

**Gretser, Jacob**

**Ingolstadii, 1611**

Jn Caput X.

**urn:nbn:de:hbz:466:1-41527**

*In Caput sextum libri primi  
S. Othonis.*

**P**rædicans cap. 3. sui Chronici multa mentitur de Gregorio VII. Papa. Quibus ego repono quinquaginta illos Auctores, quos in Apologia pro Gregorio VII. protuli; præterea Gerochum Reichenbergensem, & alios, de quibus nuper a *etiam* in breuicula Apologia pro eodem Gregorio aduersus Annae Comnenæ loedotias, ut omittam paulò post euulgandos alios Gregorianæ sanctimoniacæ testes. Rudolpho quoque Regi, qui in prælio manum amiserat, affingit Prædicans, non quæ Rudolphus dixit, sed quæ dixisset, si eo, quo & Prædicans animo, in Gregorium VII. fuisse. Capite quarto mentitur Prædicans, inuestituras Episcoporum & aliorum Antifitum à Carolo Magno, usq. ad Gregorium VII. semper penes Imperatores fuisse. Hoc à vero alienum esse, docebit te Apologia mea pro Gregorio VII. & alia pro Cardinali Baronio, ubi de hoc ex instituto copiosè disputavimus.

*In Caput X.*

**D**icitur S. Otho consecrationē suam in triennium usque. causa dilationis redditur cap. 8. Prædicans cap. 5. sui Chronici mētitur, causam dilationis huius fuisse Ruthardum Archiepiscopum Moguntinum, à quo S. Otho consecrationem obtinere nequiverit, nisi Pontifici Paschali se subiiceret, & ab eodē Inuestitram, hoc est, annulum & baculum pastoralem acciperet. Sed rem secus habere, disces ex cap. 8. quia Ruthardus sede sua ab Imperatore schismatico Henrico IV. pulsus, in Turingia exulabat; quare Othonem consecrare non poterat.

Deinde ipse met Otho, religione tactus, noluit consecrationem accipere, nisi de manu legitimi pastoris; nempe Pontificis Romani; annulum & baculum acciperet, animaduentis, se & præter & contra Canones egisse, quando ab Imperatoris

toris manu se inuestiri passus est. Nam si ab alio, quam à Pontifice consecrari voluisset; neq; eum ob Inuestitaram ab Imperatore acceptam, conscientia remordisset; facillime ab Imperatore alium consecratorem impetrasset: qui enim non erubuerat Ruthardum in exilium detrudere religioni sibi non duxisset; si ei usdem loco alium ordinatorem Othoni conduxisset.

Ait Prædicans; scrupulsum Othonis, ob Inuestitaram fuisse intempestiuum. Credo, Prædicanti satis videri & esse intempestiuum. At non Othoni, quia tempus erat, ut deserto mercenario, ad verum Pastorem se reciperet, à quo in ouile Dominicū admireretur; ne si aliunde ascendisset; neq; per ostium in cauam intrasset; non Pastor, sed fur & latro haberetur.

Clamat; Othonem se subiecisse Paschali Tyranno & Antichristo; Ex quo sequitur, priscos Pomeranos, ab Antichristi satellite, & tyranni mancipio, Christianam fidem accepisse. Quis autem credit, Apostolum Antichristi, veram & saluificam fidem, aut docere aut docuisse? Quocirca iterum opus erit, ut antiquos Pomeranos, quos ob fidem ab Othonem acceptam, Prædicans prius ad superos sustulit; descendere, & ad inferos migrare iubeat, cum veram & saluificam fidem ab Othonem non acceperint, si Otho Antichristi minister fuit.

Mentitur Prædicans, Othonem à Paschali fuisse Romam vocatum, ut sibi ad genua procideret. Nihil huius appetit in epistola Paschalis ad Othonem. Vocatus enim est, ut à Pontifice, legitimo rito, & annulo & baculo, & consecratione Episcopali donaretur: Quod postea, consueto more, prouolutus ad Pontificis pedes, eidem debitum honorem detulit, id obseruantę & officij fuit; nam & Prædicans, opinor, genua flectit, quando ad Illustrissimum Pomeranorum Ducem accersitur, licet non eo fine aduocetur, ut genua flectat, sed alias ob caussas.

Hallucinatur Prædicans, cum scribit; Othonem Romæ à Paschali fuisse consecratum; Non Romæ, ô bone, sed Anagniæ, ut ex cap. 10. manifestum euadit.

Inuehitur Prædicans in Pontificem, quod se efferat supra Imperatores, quos tamen scriptura appellat Deos. Audi Prædicans;

Dd 2

Pon-

Pontifex non effert se supra Imperatores; sed Christus extulit; hoc ipso, quod Pontificem, Pastorem vniuersalem: Imperatorem vero, Agnum seu Oviculum sub hoc Pastore fecit. Quis maior? Pastor an ovis? Quis supra alterum? Num Pastor supra orem? An ovis supra Pastorem? Etiam Pontifices, Dij in scriptura nominantur; quia omnes iudices Dij appellantur; At Pontifices quoq; iudices sunt; ergo & Dij. Si omnes Pontifices sunt iudices, multo magis iudex, & sic Dij, annumerandus erit summus inter Pontifices cui celi arbitrium datum, & plena soluendi atq; ligandi potestas.

Capite sexto acriter infurgit Prædicans in S. Othonem, quod pro Henrico filio contra Henricum Patrem steterit. At hoc famum Othonis nemo nisi schismaticus aut Hæreticus vñquam culpauit; cum Otho fecerit, quod, vt fieret, tam Ecclesia, quam Reipublicæ incolitas efflagitabat; quodq; Deus ipse paulò post, mirabilē euentu cōprobauit, in ordinem coacto, & mox penitus sublato Henrico seniore; qui toties fidem fefellerat, totq; annis, innumeris calamitatibus Ecclesiam miserandum in modum diuexarat. Nec solus Otho Henrico se opposuit, sed pleriq; alij tam Politici, quam Ecclesiastici Proceres, quibus salus patriæ curæ & cordi erat.

At captus est Otho cum sociis Romam proficiscens. Quid tum? An nemo vñquam insons captus, & in vincula abreptus est? Cur retices Prædicans, quomodo Otho, & alij Principes per VVelphonem Noricorum Ducem, valida manu liberati fuerint, eo adactis iis, qui Othonem & alios Præfules ceperant; vt nudis pedibus ab Episcopis veniam postularint, vt scribit Urspergensis; cuius lectio omnes nebulas ab isto calumniatore sparsas, è vestigio dissipabit.

Ait Prædicans: Se ista de Othone referre, non detrahendi studio, sed ne arbitremur, eum, ab omni labore parum & integrum vixisse. Damit wir nicht Otton zum Engelreinen Gögen ausswerfen. Ne Othonem pro Idols Angelica puritate prædicto venditemus. Metuebat nimis Prædicans, futurum vt hodierni Pomerani Othonem in sanctoru numero haberent, nisi eum, tanquam proditorem & maiestatis reum, per ora vulgi Lutherani traduceret. Imò adeo hacin re Otho

re Otho omni culpa vacauit, vt maculam haud leuem contra-  
cturus fuisset, nisi se se ad Catholicorum cœtum contra schis-  
maticos aggregasset.

Cap. 7. dentes stringit prædicans in Paschalem Pontifi-  
cem, quod cum filio Henrico non egerit clementius, quam  
cum parente. At nil mirum, quandoquidem Henricus pro-  
missis non stetit, & Inuestitur, bonisque Ecclesiasticis æquè ac  
parens contra fidem datam, inhiare cœpit. Num verò Ponti-  
fex pacta violarit, an Henricus, disces ex illis, quæ ex veterum  
monumentis tradit Baronius Tom. XII. Anno Christi MCX.  
& MCXI. Quid autem tempore huius Schismatis Otho ege-  
rit, non liquere ait prædicans. Ut cunque sit, hoc certum esto,  
sæde Apostolica non discelsisse, cuius tantus assertor erat, vt  
iam pridem huic prædicanti stomachum non modo verterit,  
sed & propemodum cuarterit.

### *In Caput XVII. & seqq.*

**B** Is capitibus explicatur, quæ nam Monasteria &  
Templa S. Otho variis in locis extruxerit, & pro-  
uentibus annuis instruxerit. Hic quid agat præ-  
dicans, ipse me nescire videtur, vt appareat ex cap.  
7. Chronicci. Laudare non audet, quia Lutheranus est. Cul-  
pare veretur, non religionis, sed ventris sui & suorum causæ;  
nisi enim Otho & alij tam multa Monasteria olim condidis-  
sent, & opibus largiter ditassent, Lutherani opimis bolis per-  
sepe caruissent, nec, quod rapacibus vngulis diriperent, ha-  
buissent. Prædicantibus etiam esca & potus multis in locis  
deforet, teste ipso prædicante, nisi ex his spoliis cum sua do-  
mestica Ecclesia, quæ plerunque numerosa est, alerentur. Ita-  
que vel eam ob causam commendare deberet prædicans S.  
Othonem, quod nunc prædicantibus, Othonis beneficio,  
victus suppetat, quibus alioqui cum fame, tanquam cum ex-  
cetera, strenue depugnandum fuisset. Quam enim Lutherani  
erga prædicantes suos parum sint dapsiles, imò quam in sub-  
ministrandis necessariis iniqui, flebilibus threnodiis testa-

Dd 3 tum